

Privremene dodatne preporuke Stručnog savjetodavnog tijela za imunizaciju Federalnog ministarstva zdravstva vezane za vakcinaciju protiv COVID-19

16.5.2022.

1. Preporuka SST za imunizaciju za drugu revakcinaciju (buster) protiv COVID-19

Osobe koje pripadaju starijim dobnim skupinama, kao i osobe koje su pod imunosupresijom, su pod najvećim rizikom od teških oblika COVID-19, tokom vremena, imunitet stvoren nakon vakcinacije može značajnije oslabiti prije jeseni. SST za imunizaciju preporučuje, kao strategiju predostrožnosti, drugu revakcinaciju najmanje 4 mjeseca nakon prve revakcinacije:

Osobama u dobi od 75 godina i starijim (naročito u socijalnim ustanovama za zbrinjavanje starijih osoba)

Osobama u dobi od 60 – 75 godina

Osobama u dobi od 12 godina i starijim koje su pod imunosupresijom*

Primarno, preporučuju se mRNA vaccine:

za odrasle osobe starije od 18 godina koje ispunjavaju uvjete, vakcina proizvođača Moderna (Spikevax) u dozi od 50 mcg ili vakcina proizvođača Pfizer-BioNTech (Comirnaty) u dozi 30 mcg.

za osobe koje ispunjavaju uvjete u dobi od 12 do 18 godina, vakcina Pfizer-BioNTech (Comirnaty) u dozi od 30 mcg.

*Imunosupresija zbog bolesti ili liječenja, uključujući pacijente koji se podvrgavaju kemoterapiji koja dovodi do imunosupresije, pacijenti podvrgnuti radikalnoj radioterapiji, primatelji transplantiranih čvrstih organa, koštane srž ili matičnih stanica, HIV infekcija u svim fazama, multipli mijelom ili genetski poremećaji koji utječu na imunološki sustav.

Osobe koje primaju imunosupresive ili imunomodulatornu biološku terapiju.

Osobe koje se liječe ili će vjerojatno biti liječene sistemskim steroidima više od mjesec dana u dozi koja je ekvivalentna prednizolonu od 20 mg ili više na dan, za odrasle.

Svako s dijagnozom hematološkog maligniteta, uključujući leukemiju, limfom i mijelom.